

lium vellint observare, vel ne, iuxta Banatus Nostri officium quesivissemus. Mox idem Lucachino in sua, ac eorundem proximorum suorum, quorum legitimus existerat procurator, personis, nec non predictus Abbas, similiter suo, viceque et nomine dicti Conventus sui, premissam concordialem compositionem, modo quo supra, intra ipsos factam et stabilitam, iuxta seriem predictarum Capituli Zagrabienensis litterarum privilegialium compositionum, perpetuo sine diminutione aliqua se immutabiliter observare velle, in nulloque eandemque se retractaturos fore allegarunt, pluries replicando coram Nobis. In cuius rei testimonium presentes partibus ad earundem Instantiam sub appensione Nostri Sigilli autentici duximus concedendas. Datum Zagrabie sedecimo die termini prenotati. Anno Domini Millesimo Trecentesimo Sexagesimo primo.

Ex transumpto Privilegiorum Abbatiae B. M. V. de Thopusko.

1396. NONAE.

Vestigium Generalis Congregationis Regni Croatiae et Dalmatiae, praeside Vicario ac Iudice Generali regio A. 1396 Nonae celebratae.

Nos Johannes Dei et Apostolice sedis gratia episcopus Zagrabienensis et Secretarius Cancellari(us) Serenissimi Principis Domini Sigismundi, eadem gratia Regis regnorum Hungariae, Dalmatie, Croatiae etc. Marchionis Brandenburgensis etc. nec non in dictis regnis Dalmatie et Croatiae Vicarius et Iudex generalis, memorie commendamus per presentes, quod in congregatione nostra generali universis nobilibus et alterius cuiusvis status, conditionis et preeminentie hominibus ex mandato et commissione speciali dicti Domini Nostri regis, feria secunda post festum sacratissimi corporis Christi, in Civitate None celebrata. Nicolaus, filius Theodosii de Spalato in sua, et Duymi fratris sui personis, in nostri presentia personaliter comparendo, proposuit coram nobis, quod in Anno, cuius iam quarta instaret revolutio, praedictus Nicolaus et Duymus sex ballas pannorum diversorum colorum, et unam ballam fustagnorum in Civitate Traguriensi penes virum Nobilem Nicolaum Jacobi deposuissent.

Fejér. Codex Dipl. T. 10. V. 3. p. 188.